



# ILIDŽA

**INFORMATIVNI BILTEN OPĆINE ILIDŽA**  
Ilidža • Oktobar 2013. • Broj 120







## REDOVNA SJEDNICA OPĆINSKOG VIJEĆA



### Usvojena Odluka o izmjenama i dopunama Odluke o visini paušalnih iznosa naknada za rad

Općinsko vijeće je na 10. redovnoj sjednici održanoj 31. oktobra 2013. godine, donijelo Odluku o izmjenama i dopunama Odluke o visini paušalnih iznosa naknada za rad općinskim vijećnicima, članovima komisija Općinskog vijeća, predsjednicima i članovima savjeta mjesnih zajednica i finansiranju parlamentarnih stranaka Općinskog vijeća Ilidža. Odlukom je predviđeno da predsjednici klubova vijećnika imaju 20 posto veće paušale mjesečno u odnosu na paušalne iznose vijećnika. Izmjenama je usvojeno da u toku kalendarske godine vijećnici i članovi komisija Općinskog vijeća mogu odsustvovati najviše dva puta sa sjednice bez umanjivanja naknade. Za svako naredno odsustvovanje iznos naknade se umanjuje za 50 posto.

### Usvojen izvještaj o naplati korištenja poslovnih prostora

Vijeće je usvojilo Izvještaj o naplati korištenja poslovnih prostora u vlasništvu Općine Ilidža za period 1. januar - 30. juni 2013. godine uz zaključak da se izvrše izmjene i dopune Odluke o dodjeli u zakup poslovnih zgrada i poslovnih prostorija na kojima pravo raspolaganja ima Općina Ilidža, kojim bi se pripadnicima boračke populacije dodjeljivali prostori pod povoljnijim uslovima, a u skladu sa Zakonom o dopunskim pravima boraca, branitelja BiH.

### Program gradnje i uređenja komunalne infrastrukture

Vijećnici su raspravljali i o programu gradnje objekata i uređenja komunalne infrastrukture za 2013., sa Strategijom razvoja lokalnih cesta za period 2014-2024. godine. Općinsko vijeće je konstatovalo da je dostavljena Strategija razvoja lokalnih cesta za period 2014-2024. prihvaćena kao informativni materijal i sugerisalo Službi za razvoj, investicije i komunalne pslove da za narednu redovnu sjednicu Općinskog vijeća ovaj materijal pripremi kao posebnu tačku dnevnog reda i to u formi Nacrta.

### Prijedlozi akata o regulisanju imovinsko-pravnih akata

Vijeće je na sjednici usvojilo prijedloge akata o regulisanju imovinsko-pravnih odnosa i to prijedloge zaključka o neprihvatanju ponude sljedećih nosilaca prava korištenja: Arslanagić Dževahira, Ikić Borisa i Čenanović Midhat. Usvojeni su i prijedlozi rješenja o rješavanju imovinsko-pravnih odnosa u svrhu legalizacije stambenih objekata po zahtjevima Detlić Seada, Kereš Salema, Kadić Esada, Šabotić Nafije, Rastoder Haruna i Kurić Ismeta, te prijedlozi rješenja o rješavanju imovinsko-pravnih odnosa u svrhu legalizacije stambeno-poslovnih objekata po zahtjevu Mahmutović Nazima, Đogo Zaima i Čorbo Muniba.



## REDOVNA SJEDNICA OPĆINSKOG VIJEĆA

### Informacija o stanju u oblasti pružanja besplatne pravne pomoći

U Informaciji o pružanju besplatne pravne pomoći za period 01.01-30.06. 2013. koja je bila pred vijećnicima navedeno je, između ostalog, da se za besplatnu pravnu pomoć obratilo 367 lica, od čega je za sastavljanje pismenih podnesaka 206 i 161 za usmeni savjet.

Pravna pomoć se pružala: građanima u zaštiti i ostvarivanju njihovih prava iz radnog odnosa, invalidima, borcima, šehidskim i porodicama palih boraca, žrtvama rata u ostvarivanju njihovih prava, licima u stanju socijalne potrebe u zaštiti i ostvarivanju njihovih prava, te u drugim slučajevima u kojim su građani oslobođeni plaćanja takse u postupku pred državnim organima.

Kad je riječ o građanima koji su tražili svoja prava u zaštiti i ostvarivanju njihovih prava iz radnog odnosa urađeno je šest tužbi, te osam prijedloga za izvršenje sudske presude. Invalidima, borcima, šehidskim porodicama i porodicama palih boraca, žrtvama rata u ostvarivanju njihovih prava sačinjene su četiri žalbe i 20 tužbi.

Licima u stanju socijalne potrebe u zaštiti i ostvarivanju njihovih prava, sačinjeno je pet tužbi i 26 žalbi.

Građanima koji su oslobođeni plaćanja takse u postupku pred državnim organima, sačinjeno je 43 tužbe, 13 odgovora za tužbu, 21 zahtjev za sporazumni razvod braka, 16 raznih prijedloga, 13 prijedloga za sudsku presudu, 17 žalbi, kao i četiri prigovora na rješenja o izvršenju.

### Informacija o stanju komunalne čistoće

Informacija o stanju komunalne čistoće sa osvrtom na stanje i potreban kapacitet kontejnera po MZ, bila je jedna od tačaka dnevnog reda na 10. sjednici Općinskog vijeća 31. oktobra 2013. godine. Održavanje komunalne čistoće je u nadležnosti Kantona Sarajevo, a komunalnu čistoću održava KJKP „Rad“. Obavljanje ovih poslova vrši se u cilju zadovoljavanja potreba urbanog civilizacijskog društva bez kojih su nezamislivi uslovi života i rada građana. U preporukama koje su navedene u Informaciji stoji da je neophodno da KJKP „Rad“ d.o.o Sarajevo u pranje asfaltnih površina ravnomjerno uključi i saobraćajnice šireg područja Ilidže, osim užeg centra općine. Ova firma, treba uložiti više finansijskih sredstava u cilju svakodnevnog praznjenja posuda u kritičnim područjima na kojima je vidljivo rasipanje otpada i kupovinu dodatnog broja posuda koje bi zadovoljile potrebe građana. Potrebno je i jače inspeksijsko djelovanje kantonalnog komunalnog inspektora u segmentu pojave nekontrolisanih divljih deponija uz riječna korita i vodozaštitnu zonu, rečeno je u Informaciji.

### Informacija o održavanju komunalne infrastrukture

Odluku o razvrstavanju cesta na regionalne i lokalne donosi Vlada Kantona Sarajevo. Općina u okviru svojih nadležnosti, u skladu sa usvojenim godišnjim planom i programom, obezbjeđuje putem izabranog izvršioca kvalitetno održavanje i zaštitu cesta koji upravlja i omogućuje sigurno i nesmetano odvijanje prometa.

Na području općine Ilidža, nalazi se 17 vodovodnih sistema koji nisu u sastavu centralnog vodovoda putem kojih se građani snabdjevaju pitkom vodom. Tri glavna vodovodna sistema na području MZ Rakovica su Puhovik, Rukodol i Kobiljača. Općina Ilidža pridaje poseban značaj funkcionisanju lokalnih vodovodnih sistema, navodi se u Informaciji o održavanju komunalne infrastrukture. Vlasnici vodnih objekata nisu povjerovali na upravljanje vodovodne sisteme specijaliziranom pravnom licu u cilju provođenja mjera mehaničkog čišćenja, dezinfekcije, te hiperhlorinacije rezervoara i distributivne mreže, ugradnje hlorinatora, uzimanje uzorka vode i davanje na kontrolu, zbog ispitivanja bakteriološke i fizičko-hemijske ispravnosti vode u skladu sa pravilnikom o higijenskoj ispravnosti vode. U cilju zaštite zdravlja građana Općina je preuzela privremeno ovu obavezu do puštanja u funkciju gradskog vodovodnog sistema. Lokalni vodovod Rukodol, Vela, Kobiljača 1 i 2, na zahtjev Općine održava VD Bujice - Konjic, i to na rok od 12 mjeseci. Putem Zavoda za javno zdravstvo kontroliše se bakteriološka i fizičko-hemijska ispravnost vode. U ovoj godini, kako je rečeno u Informaciji na 10. sjednici Općinskog vijeća, očekuje se da vodosnabdijevanje pitkom vodom iz lokalnih vodovoda u Rakovici, zamijeni se gradskim sistemom vodosnabdijevanja.

Održavanje kanalizacionih uređaja lokalnog značaj povjerno je je firmi „Manjo“ d.o.o. Oni održavaju uređaj za prečišćavanje otpadnih voda u naselju Lužansko polje, prepumpne stanice Stojčevac i površinskih voda ispod podvožnjaka u ulici Lužansko polje.

Održavanje javnih česmi i fontana ugovoreno je sa firmom „Fiting“ d. o.o , a ukupno se održava 16 javnih česmi. Održavanje javnog sata na kružnom toku u centru Ilidže povjereno je O.D „Saratel“, a održavanje nužnika na tramvajskom terminalu fizičkom licu putem ugovora o djelu.

Kad je riječ o snabdijevanju električnom energijom, Općina Ilidža je imala vrlo dobru saradnju sa Elektroprivredom BiH. Ministarstvo prostornog uređenja zaduženo je za održavanje javne rasvjete na području KS, putem izabranih privrednih društva koja se bave tim poslovima. Navedeno ministarstvo je pitanje javne rasvjete na području općine Ilidža povjerovalo firmi „Testingelektro“.





## RIJEČ GRAĐANA

# Čime se (ne) ponosite na Ilidži?



**Željka Zrnić:** „Fijakersko stajalište na početku Velike aleje na Ilidži godinama nije uređivano i kao takvo narušava izgled ulaza u naše poznato šetalište. Trebalo bi urediti zakonske norme za fijakeriste, da nose narodnu nošnju i da prođu osnovni test znanja, a i cijene bi trebale biti fiksne. Ponosna sam ovim našim ljepotama, a Ilidža je posebno lijepa u ovom periodu godine. Meni su problem sad i psi lutilice.“



**Adnan Ćupina:** „Ja sam sportista prije svega i ponosim se mladim sportskim talentima koje ima naša općina. Ilidža je bila i ostala rasadnik talenata. Ovdje postoji veliki broj sportskih klubova iz svih segmenata koji su jako uspješni i ostvaruje odlične rezultate. Naša lokalna zajednica uvijek ima sluha za naša takmičenja. Posebno se ponosim što su naši reprezentativci trenirali na stadionu Hrasnica.“



**Velimir Ivetić:** „Ja često vozim bicikl i uživam u prirodnim blagodatima općine Ilidža. Infrastruktura je dobro uređena, fasade su sređene i ova općina sve više poprima urbani izgled kakav je i nekad imala. Ono što bih zamolio resorne službe, koje se bave održavanjem Velike aleje, je da povedu malo više računa o fijakeristima, osim što bi trebali imati odjeću trebali bi imati i posebne kese za izmet konja, kako bi očuvali okolinu, a zaštitili sve nas od neugodnog mirisa, koji se sad širi.“



**Darko Bošnjak:** „Ja sam ovdje rođen i posebne emocije imam kad je ona u pitanju. Drvored Velika aleja, te parkovski prostori oko banje Ilidža i Stojčevca predstavljaju posebnu prirodnu vrijednost. Velika aleja i njen jedinstven drvored je nešto što nas čini ponosnim da imamo na svom području, međutim treba se nešto učiniti i potruditi se kako bi ga spasili od propadanja, saditi nova stabla i sl. Ipak ponosan sam našu Veliku Aleju, Vrelo Bosne i želim poručiti našim Ilidžancima da čuvaju ovaj prirodni okoliš i da što više razvijamo lokalni patriotizam.“



**Medžida Redžepović:** „Ilidža mi je omiljeno mjesto za šetnju pa sam primjetila da nedostaje više klupa. Veliki park je sređen, sve je jako uređeno i Ilidža zaista izgleda prelijepo u jesenjim danima kada lišće opada. Moja zamjerka je samo da se povede briga oko uređenja Velike aleje.“



**Ramiza Hodžić:** „Posebno se ponosim našim prirodnim ambijentom. Izdvojila bih ljepote koje nikog ne ostavljaju ravnodušnim kod hotela, Veliku aleju i Vrelo Bosne. Drago mi je što je Ilidža sada postala obrazovni centar i što veliki broj mladih ljudi dolazi studirati ovdje. Zaista smo najljepša općina i ovom prilikom želim pohvaliti rad načelnika naše općine prof. dr. Senaida Memića.“

## Susret mladih sa predsjedavajućom OV Ilidža Smiljanom Viteškić

Institut za razvoj mladih KULT promovira omladinski aktivizam, volontiranje i politiku prema mladima, i u skladu s tim provodi aktivnosti u okviru kojih se mladi upoznaju sa osobama koje direktno ili indirektno kreiraju društveno politička zbivanja u njihovoj lokalnoj zajednici.

Na susretu koji je održan 30. septembra 2013. g. u prostorijama Obrazovno-razvodnog centra za mlade SPAJALICA mladi su se imali priliku upoznati sa predsjedavajućom Općinskog vijeća Smiljanom Viteškić, pozitivnim primjerom žene koja na bitnoj funkciji svakodnevno utiče na donošenje odluka koje se često tiču mladih.





## Delegacija Općine Ilidža u posjeti Općini Tešanj

Delegacija Općine Ilidža predvođena načelnikom prof. dr. Senaidom Memićem posjetila je 10. oktobra Općinu Tešanj.

Sa načelnikom ove općine Suadom Huskićem i njegovim saradnicima razmijenjena su iskustva, mišljenja i brojne informacije o funkcionisanju općinskih uprava. Općina Tešanj je otvorena i uspješna lokalna zajednica, istakao je prilikom preznazacije načelnik Suad Husić, a gosti su imali priliku vidjeti osnovne karakteristike ove lokalne zajednice, trenutne aktivnosti, te planove za naredni period.

„Ovo je naša prva zvanična posjeta Tešnju i početak novog i uspješnog komuniciranja s ciljem razmjene informacija. Sigurni smo da se Tešanj, ambiciozna sredina i općina, nametnula kao jedna od uspješnijih u svom kantonu i svaka razmjena iskustava bit će nam sigurno od koristi. Razgovori predstavnika lokalnih zajednica uvijek su značajni, jer se kroz njih može višestruko okoristiti dodatnim informacijama, i mogu pomoći u implementaciji novih rješenja u našim zajednicama“, kazao je načelnik Općine Ilidža prof. dr. Senaid Memić.



„Raduje nas ova posjeta, jer mi smo općina spremna za razmjenu iskustava, kao i primjenu novih ideja. Nadam se da će se kroz naše upoznavanje sa radom administracije Općine Ilidža i razmjenu iskustava, uspostaviti i privredna saradnja, kao i saradnja na nekim drugim poljima“, izjavio je načelnik Općine Tešanj Suad Huskić.

Nakon sastanka u Općini Tešanj, delegacije su obišle firme na području općine Tešanj i to „Coala paintings“, „Inox Ajanović“, „B&M“ i „Eminagića konak“.

Posjetu Općini Tešanj načelnik Općine Ilidža prof. dr. Senaid Memić iskoristio je i za kraći sastanak sa načelnicom Općine Doboju-Jug Jasminkom Begić. Razgovarano je o mogućnostima saradnje dvije općine.



## Sjećanje na heroje

U organizaciji Udruženja „Zlatni ljiljan“ i „Zlatna policijska značka“ i Općine Ilidža u prisustvu rodbine, saboraca, prijatelja, učenika i pripadnika boračkih udruženja, 8. oktobra 2013. godine na Stupu u Azićima obilježena je godišnjica pogibije heroja Mehe Porobića i Ivice Stanića, dobitnika najvišeg ratnog priznanja „Zlatni ljiljan“. Delegacije boračkih udruženja, Općine Ilidža, Ministarstva za boračka pitanja Kantona Sarajevo i članovi porodica položili su cvijeće na mjesto pogibije na spomen ploču i odali im dužno poštovanje. U mjesnoj zajednici Stup održan je historijski čas na kojem su evocirane uspomene na ove ratne heroje i na te sudbonosne dane kad su se vodile odsutne bitke za odbranu ovih prostora, Sarajeva, a i Bosne i Hercegovine, oktobra 1992.

## Otkriven spomen-stećak diverzantsko-izviđačkog odreda „Fikro“

Ispred Doma kulture u Hrasnici, 16. oktobra 2013. godine u znak sjećanja na heroje Hrasnice, Sokolović-Kolonije i Butmira svečano je otkriven spomen-stećak diverzantsko-izviđačkog odreda „Fikro“ Četvrte viteške motorizovane brigade Armije RBiH. U prisustvu porodica šehida i poginulih boraca, kantonalnih i općinskih zvaničnika, ratnih komandanata, boraca i brojnih građana spomen-stećak su otkrili član Predsjedništva Bosne i Hercegovine Bakir Izetbegović i general Fikret Prevljak. Spomen-stećak sa uklesanim porukama ostat će budućim generacijama da ih trajno podsjeća na herojske podvige pripadnika DIO „Fikro“ koji je bio jedna od najelitnijih jedinica Četvrte viteške motorizovane brigade koji se borio na svim ratištima širom Bosne i Hercegovine i koji je bio primjer multietičnosti i ponos stanovnika slobodnih ilidžanskih prostora. Da je tako svjedoči 70 pogunulih boraca ovog odreda, a ovaj stećak služi kao svjedok da nikad neće biti zaboravljeni.







## Antifašisti posjetili Glamoč

Članovi Udruženje antifašista Hadžića, Vogošće i Ilidže posjetili su 20. oktobra 2013. godine Glamoč, položili cvijeće i odali počast palim borcima NOR-a i žrtvama fašizma.

Prisutnim se kraćim govorom obratio Nikola Babić, predsjednik UABNOR-a Ilidža. Članovi ovih Udruženja posjetili su spomenik podignut u slavu Ive Lole Ribara, koji se nalazi na Suhom Polju, te su položili cvijeće i odali dužnu počast ovom narodnom heroju. Tom prilikom, posebno su se zahvalili načelniku opštine Glamoč, Radovanu Markoviću i njegovim saradnicima Krstanu Knežević i Jovan Čičkoviću na dočeku i srdačnom prijemu, kao i načelniku Općine Ilidža prof. dr. Senaidu Memiću, koji uvijek ima razumijevanja za njihove projekte.

## Podijeljeno 100 kurbana i poklon paketa

U organizaciji Udruženja boraca Prve samostalne brigade Stup - Ilidža 18. oktobra, ispred prostorija MZ Stup II, izvršena je podjela 100 kurbana i poklon paketa za članove ovog udruženja.

„Ovi kurbani donacija su humanitarne organizacije „Budućnost“, a mi planiramo podijeliti još 400 kurbana narednog mjeseca. Hvala donatorima i općinskom načelniku prof. dr. Senaidu Memiću, koji ima senzibiliteta za ovakve akcije“, izjavio je Samir Mehić, sekretar UB Prve samostalne brigade.



## Počelo deminiranje u MZ Vrelo Bosne

Na lokaciji „Bezistan Točilo Aišnik 1A“ u MZ Vrelo Bosne na području općine Ilidža, 21. oktobra 2013. godine počelo je deminiranje na površini od 17.963 kvadratnih metara, a izvodit će ga firma „Dok-ing deminiranje N.H.O.“. Sredstva za deminiranje ovog projekta izdvojila je Općina Ilidža i EU. Mole se građani MZ Vrelo Bosne da stvore uvjete za nesmetan rad deminera.

## Obavijest za poljoprivrednike

Na osnovu člana 13. Zakona o novčanim podrškama u poljoprivredi i ruralnom razvoju (Sl.novine Federacije BiH, broj 42/10), kao i člana 6. Pravilnika o načinu i uslovima ostvarenja novčane podrške po modelu poticaja u proizvodnji (‘‘Službene novine Federacije BiH broj 56/13), propisano je da su klijenti dužni da nadležnom kantonalnom ministarstvu, najkasnije do 15. novembra ove godine izvrše prijavu plana proizvodnje (PPP) za koju očekuju podršku u narednoj godini, na obrascu PPP.

Ovo je osnovni uslov za ostvarivanje proizvodnje za koju se očekuje podsticaj po federalnom Zakonu. Obrazac prijave plana proizvodnje (PPP) se može preuzeti u prostorijama mjesnih zajednica, te u Općini Ilidža (soba 324), kao putem web stranice Općine Ilidža [www.opcinailidza.ba](http://www.opcinailidza.ba). Također, obrasci se mogu preuzeti i u prostorijama Stručne poljoprivredne službe Kantona Sarajevo, u Butmiru - Butmirska cesta 40, te na protokolu Kantona Sarajevo, gdje se i predaju popunjeni obrasci.

## Počelo deminiranje u MZ Rakovica

Deminiranje na lokaciji „Matin do“ u Mjesnoj zajednici Rakovica započelo je 11. oktobra 2013. godine. Predviđeno je deminiranje površine od 59.340 kvadratnih metara, a izvodi ga firma UEM Sarajevo. Na području Rakovice sedam dana kasnije započelo je i uklanjanje mina u okviru projekta Dolnica. Firma UEM će očistiti od mina površinu od 80.595 kvadratnih metara. Finansijska sredstva za deminiranje obje površine osigurala su Općina Ilidža i Evropska Unija. Mole se građani Rakovice da stvore uvjete za nesmetan rad deminera i da poštuju znakove upozorenja.

Podsjećamo, građani općine Ilidža koji imaju neeksplozivna ubojna sredstva (NUS), mogu kontaktirati Službu za civilnu zaštitu Općine Ilidža putem telefona 033 637-229 ili koordinatora za deminiranje Rifata Hodžića na broj mobitela 061 183-728.





## Potvrđen sistem upravljanja kvalitetom i okolišom

**C**ertifikacijska kuća TUV Thuringen izvršila je preispitivanje sistema upravljanja kvalitetom EN ISO

9001:2008 i Sistema okolinskog upravljanja EN ISO 14001:2004 u službama Općine Ilidža i potvrdila da uspostavljeni sistem kvaliteta ne samo da uspješno funkcioniše, već je i znatno unaprijeđen. To nam je potvrdila PR za Iso standard Mirsada Hadžić, rekavši da će Općina Ilidža nastaviti svoju viziju da ima efikasnu administraciju, ekonomski jaku sa velikim brojem zaposlenog stanovništva, dobro riješenu infrastrukturu, razvijen turizam, kvalitetnu zdravstvenu i socijalnu zaštitu, uređen obrazovni sistem, bogat kulturni i sportski život u okviru ekološki očuvane cjeline.

Općina Ilidža nastavit će da radi na osiguranju efikasnog rada organa uprave i kvalitetnom pružanju usluga građanima, ispunjavat će zadatke u skladu sa zakonom uz poštovanje i zaštitu osnovnih ljudskih prava i sloboda i zaštitu okoline, razvijati organizacijsku kulturu, uz osiguranje motiviranosti i zadovoljstva zaposlenih, kao i usklađivanje sa zahtjevima standarda ISO 9001:2008 i ISO 14001:2004.

## Otvoren showroom firme „ANS Drive“ u Grand centru

**N**ačelnik Općine Ilidža prof. dr. Senaid Memić 24. oktobra 2013. godine presijecanjem vrpce ozvaničio je početak rada showrooma firme „ANS Drive“ u Grand centru.

Otvaranju modernog showrooma, odnosno izložbeno-prodajnog salona namještaja i proizvoda firme „ANS Drive“ prisustvovala su mnoge osobe iz javnog i političkog života, klijenti, partneri i prijatelji firme „ANS Drive“.

“Ovo je danas praznik, jer otvaramo nova radna mjesta. „ANS Drive“ je brend Ilidže, naša firma u kojoj rade sposobni i stručni ljudi. Ovo je veliki napredak i projekat izuzetne vrijednosti“, izjavio je, između ostalog, načelnik Memić.

Naredne godine „ANS Drive“ slavi 18 godina postojanja. O uspjehu ove bh. firme u proteklih 17 godina najbolje govore građevinski projekti na kojima su bili uključeni ili još uvijek rade. Stambeno-poslovni kompleks „Uni Bristol“ u Tuzli, „Sarajevo City Centar“ na Marijin-Dvoru, zgrada „Bosnalijeka“ u Sarajevu, „BBI Centar“ u Sarajevu, „Grand Centar“ na Ilidži, te stambeno-poslovni objekt “Moja Malta” samo su neki od projekata kojima se u ovoj firmi mogu pohvaliti.



## Susret načelnika Općine Ilidža sa građanima

**N**ačelnik Općine Ilidža prof. dr. Senaid Memić zbog nemogućnosti i nedostatka vremena, u želji da sa svim građanima pokuša riješiti njihov problem, u multifunkcionalnoj sali Općine Ilidža organizovao je susret sa stotinjak građana, koji su ispunili prijavni list za razgovor s njim.

“Građani su moj prioritet, jer sam ja tu zbog vas. Ovdje su i moji pomoćnici iz svih oblasti, koji će imati zadatak da zabilježe sve vaše probleme i u roku sedam dana dostave mi odgovor na vaše zahtjeve i informaciju o poduzetim aktivnostima kako bi se vaši problemi riješili. Potruditi ćemo se da budemo korisni i da zajedno riješimo vaše zahtjeve“, rekao je, između ostalog, načelnik Memić.

Građani su načelniku iznijeli različite probleme, kao što su legalizacija stambenih objekata, nezaposlenost i teška finansijska situacija, potreba za plastenicima, problem sa imovinsko-pravnim pitanjima, finansijske potpore za liječenje teških bolesti i slično.

“Neke generacije uspijevaju da svoje najvažnije poslove okončaju i nakon toga drugim generacijama predaju tu štafetnu palicu da nastave i unaprijeđuju ono naslijeđeno. Mislim da smo mi generacija koja može da dovrši mnogo toga što su naši prethodnici započeli“, kazao je direktor građevinske firme „ANS Drive“ Asmir Dževlan.

Predstavljen je i projekat „Moja Malta“, stambeno-poslovni objekat koji će imati 168 stanova uz obezbijeđeno finansiranje za kupovinu putem UniCredit banke.







## Regulacija Zujevine u Blažuju

**M**inistarstvo privrede Kantona Sarajevo zajedno sa Općinom Ilidža finansira regulaciju korita rijeke Zujevine u Blažuju. Ukupna vrijednost projekta je 378.000 KM, za koje će Ministarstvo izdvojiti 306.000 KM. U koritu rijeke su urađene temeljne betonske trake cijelom dužinom sa obje strane. Raspon nosećih traka u koritu iznosi 15 metara.

Također, u toku je izrada desnog obalnog zida uz zapadni prilaz gradu u visini od četiri metra. Radovi teku planiranom dinamikom, te je za očekivati da će biti okončani prije povećanja vodostaja rijeke.



## Pomoć za romsku porodicu sa dvanaestoro djece

**R**omkinja Senada Seferović majka desetoro djece rodila je dvojke, dječaka i djevojčicu, Džemala i Džemilu. Sa svoje dvanaestoro djece ova tridesetogodišnja romkinja živi u devastiranom napuštenom objektu u naselju Lužani. Tim povodom predstavnici Općine Ilidža Sejda Topalović i Mirsada Hadžić obišli su porodilju Senadu i u ime općinskog načelnika prof. dr. Senaida Memića uručili joj paket sa hranom u vrijednosti 100 KM. „Pored ovog paketa kao prve pomoći novorođene dvojke ostvarivat će pravo na dječiji dodatak od 49,50 KM, porođajnu nadoknadu u iznosu od 120 KM u trajanju od 12 mjeseci, jednokratnu novčanu pomoć za opremanje djeteta za svako dijete po 210 KM, dobijati će i pomoć za prehranu djece u trajanju od šest mjeseci u vidu paketa vrijednosti 49 KM i jednokratnu novčanu pomoć u iznosu od 100 KM“, kazala je Sejda Topalović pomoćnik općinskog načelnika za rad, socijalna pitanja, zdravstvo, izbjeglice i raseljena lica.



## Na sajmu pčelarstva izlagalo je 25 pčelara iz cijele BiH

**U**druženje pčelara „Behar“ Ilidža prvi put je organizovalo Sajam pčelarstva na Ilidži koji je održan od 24. do 26. oktobra 2013. godine u ulici Rustempašina u centru Ilidže. Na sajmu je učestvovalo 25 pčelara iz cijele Bosne i Hercegovine koji su izložili pčelinje proizvode i opremu za pčelarstvo. Među izlagačima je i 14 pčelara sa područja općine Ilidža od kojih su uzeti uzorci meda za analizu koju je uradio Poljoprivredni institut na Butmiru i nakon koje su proglašeni najkvalitetniji proizvodi.

„Na sajmu je jedan broj pčelara sa Ilidže koji prvi put učestvuju na sajmu jer su dostigli nivo kvaliteta da mogu da izlažu sa mnogo iskusnijim pčelarima. Sajam je izložbeno-prodajnog karaktera i namjera nam je da se i ubuduće održava i da postane tradicionalan“, kazao je Hajrudin Džebo predsjednik udruženja. Ovo udruženje postoji od 2007. godine i do sad su organizovali četiri škole pčelarstva za pčelare početnike koje je pohađalo 130 polaznika.

U okviru sajma, a u cilju edukacije pčelara, održano je predavanje o pčelarstvu, a predavač je bio prof. Sulejman Alijagić iz Bihaća. Općina Ilidža je za održavanje sajma dala bez naknade lokaciju za postavljanje štandova i salu za predavanje. Sajam je posjetio načelnik općine Ilidža prof. dr. Senaid Memić sa saradnicima i tom prilikom obećao da će i ubuduće podržavati ovu i ovakve manifestacije.

## Odobreno još 15 plastenika

**O**pćinski načelnik prof. dr. Senaid Memić, na prijedlog Komisije za dodjelu plastenika donio je odluku da se odobri dodjela još 15 plastenika površine 100 kvadratnih metara sa dodatnom opremom.

Plastenike su dobili: Azemina Zulović, Selim Begović, Enisa Alibašić, Kata Balta, Mujo Čorbo, Senad Vreto, Elvedin Salkić, Hamza Šeta, Vahid Džaltur, Adila Briga, Ehlimana Dervišević, Ismet Stambolić, Nezir Prljača, Izet Kovač i Hasim Maličević.





## Izabrani izvođači Festivala narodne muzike „Ilidža 2013“



Uz finansijsku podršku Općine Ilidža, Radiotelevizija Bosne i Hercegovine je i ove godine organizator Festivala narodne muzike „Ilidža 2013“. Ovogodišnji Festival će se održati 22. i 23. novembra u JU KSiRC Ilidža. Prva noć Festivala je revijalnog karaktera i očekuje se nastup velikog broja zvijezda narodne muzike, čije su pjesme bili hitovi Ilidže. U drugoj večeri nastupit će 16 izvođača sa novim kompozicijama inspirisanim narodnim melosom. To je rečeno na press-konferenciji u zgradi RTV BiH 29. oktobra 2013.godine.

Aida Lušničkić, pomoćnica načelnika za obrazovanje, kulturu, sport i informisanje izjavila je da je Ilidžanski festival mnogo više od festivala narodne muzike.

„Ilidžanski festival je mnogo više od muzike, to je bh. naslijeđe i tradicija. Općina Ilidža je obezbijedila u svom budžetu sredstva za ovu manifestaciju i zadovoljstvo nam je imati BHRT za partnera. Ovo je regionalni projekat i nadamo se da će Ilidžanski festival dostići onu popularnost, sjaj i kvalitet kakav je nekad imao“, rekla je, između ostalog, Aida Lušničkić, pomoćnica načelnika.

Olivera Dodig, direktorica programa BHT 1 i predsjednica Organizacionog odbora Festivala „Ilidža 2013“ govorila je o programskim sadržajima dvije festivalske večeri i odzivu na konkurs.

„Na konkurs je pristiglo 112 pjesama od kojih je Komisija izabrala 16. U programu BHT-a kroz emisije „U susret Festivalu narodne muzike Ilidža 2013. godine“ podsjetit ćemo na neke događaje i aktere u decenijskoj historiji Festivala, koji je bio jedan od najprestižnijih muzičkih događaja ove vrste u bivšoj Jugoslaviji. Otkrit ćemo samo neka imena koja će nastupiti u večeri legendi: Mile Kitić, Šerif Konjević, Marinko Rokvić, Nedžad Salković“, kazala je Dodig.

Voditelji Festivala bit će Maja Čengić Miralem i Rinko Golubović. Nakon datih informacija, pristupilo se žrijebanju redosljeda izvođenja pjesma. Prvi će nastupiti Afan Smajlović koji će izvesti pjesmu „Moll za nju“, zatim

Neno Murić sa pjesmom „Svoju ljubav tebi poklanjam“, Tarik Stambolić pjevat će „Azru“, Ilijas Gadžo „Sevdah u amanet“, a Tamburaški sastav „Geraši“ predstaviti će se kompozicijom „Zvoni, zvoni tamburice“. Kao šesti učesnici Festivala nastupit će Azra Husarić i Davor Badrov sa pjesmom „Ljubavi“, Asim Brkan nastupit će sedmi i izvesti će kompoziciju „Kiše u Mostaru“. Slijede Šaćir Ameti „Znam te, znam“, Jasmin Burek „Dukati“, Salem Ćorić „Ružo moja rosna“, Sajid Jusić „Da te bogdo nisam volio“, Zijad Kasumović „Trnje“, Refik Kolić „Kad me ne bude bilo“, Aldijana Tuzlak Bećar „Ah, ljubav“, Dijana Ćulum izvesti će pjesmu „Gazio si moju dušu“, a posljednji takmičar bit će Šećet Šeki Bihorac koji će izvesti pjesmu „Vidi me sad“.

Malo podsjećanje na prošlost i tradiciju ovog Festivala vodi nas u davnu 1964. godinu kada je održan prvi Festival narodnih pjesama i igara Ilidža 64-te. Safet Isović, Slavka Petrovska, Beba Selimović, Zaim Imamović samo su neki od izvođača koji su pjevali na otvorenoj pozornici pred 8000 posjetilaca za tri večeri Festivala. Bila je to, dakle, 1964, ali godinu ranije je održan susret izvođača i pjevača narodne muzike „Ilidža 63“, koji je imao karakter probe i ispitivanja pulsa publike. Na osnovu toga je i odlučeno da to postane trajna manifestacija.

Godine su prolazile, Festival je stekao izuzetnu popularnost i značaj u svijetu narodne muzike o čemu govori i 1 600 000 prodatih ploča sa Festivala 1969. godine ili 500 prijava za Festival „Ilidža 1972“, kao i neka od imena koja su obilježila narodnu muziku poput Zaima Imamovića, Nedeljka Bilkića, Bebe Selimović, Safeta Isovića, Dragana Živkovića Tozovca, Mehe Puzića, Zehre Deović, Miroslava Ilića, Nedžada Salkovića, Zekerijaha Đezića, Hanke Paldum, Harisa Džinovića, Šabana Šaulića, Tome Zdravkovića i mnogih drugih izvođača i autora koji su legende narodne muzike. Poslije rata, Festival je uz finansijsku pomoć Općine Ilidža održan 1996., 2008. i 2012. godine.





## Realizovan projekat „Čovječe ne ljuti se“

Sportsko-rekreacijski klub „KRIS-KROS“ Ilidža, pod pokroviteljstvom Općine Ilidža na platou ispred Prve osnovne škole realizovao je po treći put projekat „Čovječe ne ljuti se“. Učenici petih razreda iz osam ilidžanskih osnovnih škola, družili su se, igrali i takmičili na način da su sami bili figure u igri „Čovječe ne ljuti se“. Najuspješniji takmičari su bili učenici El-Manar, drugo mjesto je osvojila ekipa Šeste osnovne škole, a treće Desete osnovne škole. Nagradu za fair play igru osvojila je ekipa Devete osnovne škole. Najuspješnijim ekipama diplome, medalje i pehare je uručio je predstavnik Općine Ilidža Adel Prašović.



## Obilježen Međunarodni dan borbe protiv trgovine ljudima

U okviru obilježavanja Međunarodnog dana borbe protiv trgovine ljudima, Društvo Crvenog križa Bosne i Hercegovine u saradnji sa Međunarodnom federacijom crvenog križa i crvenog polumjeseca organizovali su regionalnu kampanju u Sarajevu, Zagrebu, Beogradu i Podgorici pod nazivom „Red Bell“ čija ciljna grupa su bili učenici osnovnih i srednjih škola. Tim povodom mladi Crvenog križa Općine Ilidža 18. oktobra 2013. godine organizovali su predavanja o temi „Prevenције trgovinom ljudima“ za učenike Prve osnovne škole, Četvrte gimnazije i Srednje tehnička škole grafičkih tehnologija, dizajna i multimedije, a na platou ispred škola postavili su info štand sa promotivnim materijalom s ciljem podizanja svijesti građana o ovom problemu, jer svake godine oko 70 osoba, većinom djece, budu žrtve trgovine ljudima u Bosni i Hercegovini, a većina slučajeva ostane neotkrivena i neprijavljena, tako da ove brojke mogu biti i mnogo veće.



## Škola „Amer Ćenanović“ najbolja u projektu „Šah u ljudskom obliku“

U organizaciji Udruženja sportsko-rekreacijski klub „KRIS-KROS“ u prostorijama Osnovne škole „El-Manar“ 18. oktobra 2013. godine realizovan je projekat „Šah u ljudskom obliku“. Pokrovitelj projekta u kojem je učestvovalo 70 učenika iz četiri osnovne škole bila je Općina Ilidža.

Prvo mjesto zauzeli su osnovci Osme osnovne škole „Amer Ćenanović“, drugi su bili iz Prve osnovne škole, a treće mjesto su podijelili učenici Šeste osnovne škole i „El-Manar“.

„Zahvaljujem Općini Ilidža i načelniku Općine Ilidža prof. dr Senaidu Memiću koji je prepoznao kvalitet našeg projekta i podržao ideju da se osnovci druže, takmiče i zabavljaju“, kazao nam je Džemal Hurić, vođa projekta.



## Zapažen rezultat aviomodelara

Seniorska ekipa BiH u aviomodelarstvu osvojila je 29. mjesto od ukupno 40 reprezentacija u augustu 2013. na takmičenju u Francuskoj.

Siniša Holik, predsjednik Aerokluba „Ilidža“ i reprezentativac u aviomodelarstvu rekao nam je da ovaj rezultat odražava realno stanje u našem sportu zbog nedostatka podrške šire lokalne zajednice, ali je ipak zadovoljan ostvarenim.

„Mi smo predstavili boje naše zemlje najbolje što smo znali. Nismo nezadovoljni rezultatom, ali mislimo da možemo i bolje, pa se nadamo da će naša lokalna zajednica prepoznati našu želju. Zbog smanjenja troškova reprezentacija je spavala u kampu na samom terenu za takmičenje, a dnevnice su iskorištene za ishranu. Cijela ekipa je išla putničkim automobilima. To nam je bio najjeftiniji način odlaska na takmičenje, i ujedno, nismo morali iznajmljivati vozila za teren bez kojih bi se bilo nemoguće takmičiti, nego smo koristili vozila u kojima smo doputovali,“ dodao je Holik.





## Prijem za imame sa područja općine Ilidža

U povodu Kurban bajrama načelnik Općine Ilidža prof.dr. Senaid Memić upriličio je 14. oktobra u Općini Ilidža prijem za imame Medžlisa islamske zajednice u Bosni Hercegovini sa područja ove općine. Načelnik Memić, njima i njihovim džematlijama čestitao je Bajram, sa željom da praznične dane provedu sa svojim najmilijim, u sreći, zdravlju i blagostanju, napominjući da je njegova podrška njihovim aktivnostima neupitna. Ovom prilikom načelnik Memić uručio je imamima „Monografiju Islamske zajednice u BiH“.



## Dani mentalnog zdravlja na Ilidži

Centar za mentalno zdravlje RJ Dom zdravlja Ilidža i Udruženje za zaštitu mentalnog zdravlja



„MENSANA“ Ilidža, a u povodu Svjetskog dana mentalnog zdravlja, 10. oktobra 2013. godine u prostorijama službe organizovali su Dane mentalnog zdravlja na Ilidži.

„Statistika pokazuje da je, u periodu poslije rata u Bosni i Hercegovini, povećan broj osoba koji imaju neki od problema s mentalnim zdravljem. Namjera ove kampanje je da se doprinese podizanju svijesti javnosti o važnosti očuvanja mentalnog zdravlja i nužnosti destigmatizacije osoba koje žive s nekom od problema te vrste“, kazala je Elvira Ališahović-Gelo odgovorni ljekar službe.

U okviru dana organizovana je izložba ručnih radova korisnika usluga centra i udruženja, koji dva puta sedmično u prostorijama ovog centra, uz stručni nadzor terapeuta imaju grupne terapije na kojima se druže, crtaju i razmjenjuju svoje ideje.

U okviru dana organizovana je izložba ručnih radova korisnika usluga centra i udruženja, koji dva puta sedmično u prostorijama ovog centra, uz stručni nadzor terapeuta imaju grupne terapije na kojima se druže, crtaju i razmjenjuju svoje ideje.

## „Povećajmo mogućnosti djeci u BiH za rano učenje“

Projekat „Povećajmo mogućnosti djeci u Bosni i Hercegovini za rano učenje“, koji realizuje Ministarstvo za obrazovanje, nauku i mlade Kantona Sarajevo uz finansijsku podršku Dubai Cares fondacije UNICEF i u saradnji sa Javnom ustanovom „Djeca Sarajeva“ provodi se u hrasničkom vrtiću „Radost“. Ovim projektom, JU „Djeca Sarajeva“ nastoji uključiti djecu u institucionalni predškolski odgoj i obrazovanje i time obuhvatiti djecu koja zbog materijalnih, zdravstvenih i finansijskih problema nisu u mogućnosti pohađati vrtić.

„Ovaj projekat je namijenjen djeci sa poteškoćama u razvoju, djeci iz socijalno ugroženih porodica, djeci iz ruralnih sredina uzrasne dobi od četiri do pet godina, kao i djeci koja nisu obuhvaćena predškolskim institucional-

nim odgojem i obrazovanjem. Projekt će trajati šest mjeseci. Djeca će biti uključena u odgojno-obrazovni proces u trajanju od tri sata dnevno, četiri radna dana u sedmici. Odgojno-obrazovni rad će se planirati, realizovati i pratiti na nivou grupe u vrtiću, kako bi u skladu sa konkretnim karakteristikama vrtić „Radost“ bio autentično mjesto življenja, učenja, igre, rasta i razvoja djeteta“, rekla nam je Emina Dučić, vođa projekta.

Ona je dodala da JU „Djeca Sarajeva“ prvenstveno u odgojno-obrazovnom radu polazi od opšteg cilja predškolskog odgoja i obrazovanja i stvara povoljnu odgojno - obrazovnu sredinu, u kojoj dijete stiče iskustva po svojim mogućnostima i sposobnostima, sistematski utiče na dječije saznanje i otkrivanje sebe i svoje okoline sa kojom je u interakcijskoj vezi i djeluje na nju, te se nada da će cilj biti ispunjen. Odgajatelji će imati zadatak da blagovremeno uoče sve razvojne potencijale djeteta, te da adekvatnim praćenjem i unaprjeđivanjem razvoja sa očekivanim razvojnim karakteristikama podstaknu daljnji optimalni razvoj.





## Adnan Redžović ostvario 12. pobjedu

Jedanaesti međunarodni memorijalni bokerski turnir "Braća Bašović" održao se 27. oktobra pred 1.500 gledalaca u Kulturno-sportskom i rekreacionom centru Iliđa. U glavnoj borbi večeri Adnan Redžović ostvario je dvanaestu profi pobjedu savladavši Alponsea Mcumiatumba iz Tanzanije jednoglasnom odlukom sudija.

Na Memorijalu, koji je organizovan u znak sjećanja na bivše legende borilačkih sportova u našoj zemlji braću Behudina i Bidu Bašovića, gledaoci su uživali u vrhunskim borbama. meča. Turnir je održan pod pokroviteljstvom Općine Iliđa.